

## SAN MARTIN

Recordésse incö da se tó cun os ala gran mëssa la gherlanda d'Advënt da benedí.

En vëndres, ai 5 de dezèmber, dales 17.30 vëgnel metü a jí dai jogn da San Martin la sfilada de San Micurá fora por paisc. San Micurá y sü angeli pëia ia dala ciasa de palsa y vá cina tl salf di stödafüch. Düc, mituns y mitans é dër bel inviá.

La Uniun di Èi inviëia düc i ëi a so Rorate en sabeda, ai 6 de dezèmber, y dedô ia tl salf di stödafüch a n batadú por sté n pü' adöm. Gnide düc!

La Uniun dles Ères inviëia dotes les ères en Santa Maria, ai 8 de dezèmber, a so Rorate y dedô a gosté ia tl salf di stödafüch por sté adöm y s'la cunté. Al ti gnará ince surandé na picia scincunda ales ères che dëida romené sò la dljia.

Lîta dles surastantes dla Uniun dles Ères: La legislatöra de 4 agn vá bel plan a fin. La zetola por la lîta é da ciafé apé de dljia. Prëibel scriedela fora y dëdela jö dai 24 de novèmber ai 7 de dezèmber tla lada jö apé de dljia o ai 8 de dezèmber pro le gosté dles ères tl salf di stödafüch.

## LUNGIARÜ

Incö é düc i sorvidus y dotes les sorvidësses y düc chi y chëres che á fat pert ti ultimi agn dl grup inviá a tó pert al Rorate cun y por i sorvidus cun gosté dedô.

Le pice sföi d'Advënt y de Nadé dé fora dala Diozeja á en chësc ann le tema "Pié ia, se mëte sön tru!" Ince nos orun se mëte adöm sön tru y inviun düc, gragn y pici, da fá súa pedia sön na plata de papier o cartun y da la taié fora. Sön la pedia pón scrí ite n pinsier "Ciodí ch'an é sön tru ..., cun che ch'an é sön tru ..." Les pedies pón spo porté te dljia y les mëte tl cëst dan alté. Les pedies gnará spo arjignades ca y tacades amesa dljia jö. I odun pa sc'i rovun cina ala cripele! N bel gran DILAN bele sëgn a chi che tol sò la iniziativa y fej impara!

La Uniun di Èi inviëia düc i ëi a so Rorate en domënia ai 7 de dezèmber y dedô ala mostra y benedisciun dles cripeles tl salf dl paisc por sté n pü' adöm y fá cumunité.

I seniors y les seniores da Lungiarü é dër bel inviá/inviades da gní en domënia, ai 7 de dezèmber, dales 08.15 al Rorate dla Uniun y dedô a gosté tl Hotel Sanví, pro chël ch'al gnará ince tigní la sentada generala dla Uniun.

En lönesc, 8 de dezèmber, festa de Santa Maria, festejuse le Rorate por la Uniun dles Ères. Dedô é dotes les ères bel inviades ia tl salf dl paisc a gosté.

Le Sorvisc de Sostëgn bunorí por families tl Raiun sozio-sanitar Val Badia a Picolin ti pîta ales families, ales umes y ai peri le sostëgn de n grup multiprofesional tratan la gravidanza y do la nasciüda di mituns cina ai 3 agn, por evité che certes situa-zions ne devëntes nia massa problematiches. La proscima consulënza vëgn pitada en vëndres, ai 5 de dezèmber, dales 8.45 ales 11.30. An pó ince tó n termin por tel. 333 62 03 945; le nr. é atif dal lönesc ala jöbia dales 8.00-12.00 y dales 13.30-16.00.

Le Sorvisc ai Jogn Val Badia mët a jí n curs de autodefënda por ères dai 18 agn insö en mercui, ai 17 de dezèmber, dales 19.00 ales 21.00 tl gran salf a San Martin cun le referënt Matteo Parolin. Iscriziuns cina ai 16 de dezèmber por telefon 371 56 88 564 o por e-mail a [samuel@jogn.org](mailto:samuel@jogn.org) Le prisc é de 15 euro porom.



## Plata dles Ploanies San Martin y Lungiarü

ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
curat don Marco Veghini - [pfarrei.ploania@protonmail.com](mailto:pfarrei.ploania@protonmail.com)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523194

### 30.11. - 07.12.25 n. 1

termo por comunicaziuns: jöbia, dales 20.00

## 1ª DOMËNIA D'ADVËNT - ANN A

### Vangele do san Matí 24, 29-44

..... Sciöch'ara é en chi dis de Noè, insciö saràra dal avënt dl Fi dl Om. Sciöche la jënt mangiâ, boiò y se maridâ en chi dis dan le delüve cina en chël dé che Noè é jü tl'arca, y ne s'un intenô de döt nia cina ch'al n'é gnü l'inondaziun y i à romenè düc demez, insciö saràra ince dal avënt dl Fi dl Om. Spo de dui ëi che laora sön ciampoprè, nen gnaral tut un impara y un gnará lascé indô. Y de dotes ères che màjena cun le medemo morin, nen gnaral tut öna impara y öna gnará lasciada indô. Stede muntri! Deache i ne savëis nia, cí dé che osc Signur vëgn. Ponsede sura: Sce le patron de cíasa savess da cí ora de nôt ch'al vëgn le lere, stéssel munter y ne lasciass nia sozede ch'al vëgnes rot ite te súa cíasa. Porchël stede ince os arjignà! Ciodiche le Fi dl Om gnará da n'ora ch'i ne s'la aspetëis nia.



*Doturs, infermiers, stödafüch, carabinieri, crusc blanca, aiüt alpin ....., dotes chëstes profesziuns á dlungia so laur regular, ince sorvisc de intervënt. Sc'ai vëgn cherdá, é te n iade döt l'ater secundar. Amesa le de, amesa la nôt s'aspeton döt so impëgn. Chësc ejëmpl podess ester na indicaziun co ch'i un da se comporté tl spirit de chësc vangele. L'avënt dl Fi dl Om sozedará amesa la vita da vigni de. Porchël stede muntri - dij Gejú. Sté muntri y arjigná da salté ite y se dé da fá. Magari podunse imparé val' dai sorvisc de intervënt. Sce jënt m'adora, sce ldi me chërda, ói ester chiló zënza pisimé.*

EDEMA - C	SAN MARTIN	LUNGIARÜ
<b>30.11.25</b> <b>1<sup>a</sup> DOMËNIA D'ADVËNT - A</b> <i>Sant André apostul</i> <b>DOMËNIA DLA DLIJIA TE CIASA</b> <b>Dales 19.00 inviäa les ciampans</b> <b>ala oraziun tles families</b> <b>i tolun ca le liber LS al nr. 29 y 30</b>	<b>9.30 Corona</b> ( <i>siur Klaus</i> ) <b>10.00 Gran Mëssa por la comunité</b> <b>Rorate cun y por les families cun benedisciun dles gherlandes d'Advënt</b> + Alfred Ploner + siur Heinrich Videsott y en onur de Sant Ojöp da Oies + + Maria y Paula Hofer	<b>7.50 Corona</b> <b>8.15 Gran Mëssa por la comunité</b> <b>Rorate cun y por i Sorvidus</b> por fam. de Carlo Castlunger + Sepl Chiusura + Florian Mischi por i def. de Albina Mischi dl ann + Paul Daporta <i>dedô é düc i sorvidus inviä a gosté</i>
01.12.25 <b>Lönesc</b> <i>Natalia</i>		
02.12.25 <i>Luzius, Bibiana</i> <b>Dedolönesc</b>	<b>19.00 Mëssa/Rorate</b> por benefaturs y jënt dla Ciasa de Palsa + Sepl Trebo, Pension Tor	
03.12.25 <b>Mercui</b> <i>Francësch Xaver</i>		
04.12.25 <i>Berbora, Adolph Kolping</i> <b>Jöbia</b>	<b>19.00 Mëssa/Rorate</b> por les families de Albert Moling en onur de Santa Rita da Cascia + Lidvina Costa <i>(cianté dal terzet Annelis, Silvia y Katrin)</i>	
05.12.25 <i>Reinhard, Iulius</i> <b>Pröm vëndres</b>	<b>18.30 Adoraziun chîta</b> <b>19.00 Adoraziun deboriada</b>	<b>19.00 Adoraziun</b> <b>19.30 Mëssa/Rorate</b> + Albina Clara, Ai Jus + Monica Daporta + Nando Clara
06.12.25 <b>Sabeda</b> <i>Micurà, Dionisia</i>	<b>18.30 Mëssa priefestia</b> ( <i>don Marco</i> ) <b>Rorate por la Uniun di Èi</b> por fam. Elmar Clara de reng. + + + Paula, Otto y Augustin Clement + Carlo Dejaco + + Pio y Angelina Baldissera <i>(cianté da n Cor de èi dl Comun da S. Martin)</i>	
<b>07.12.25</b> <b>2<sup>a</sup> DOMËNIA D'ADVËNT - A</b> <i>Ambroje</i>	<b>9.30 Corona</b> ( <i>don Marco</i> ) <b>10.00 Gran Mëssa por la comunité</b> <b>Rorate por i Sorvidus</b> + + + Giovanni, Maria y Pia Trebo + Maria Trebo Dapunt	<b>7.50 Corona</b> ( <i>don Marco</i> ) <b>8.15 Gran Mëssa por la comunité</b> <b>Rorate por la Uniun di Omi, por le KVV</b> <b>y por la Uniun di Seniors</b> de reng. fam. Eugedio Schanung dl ann + Sisto Clara dl ann + Vito Clara <i>(cianté da n Cor de èi dl Comun da S. Martin)</i>



Do le calënder liturgich metunse man cun la pröma domënia d'Advënt indô n ann nü. Dales domënies de chësc "Ann-A" gnaräl lit dant le vangele do le vangelist Matî.

Do la tradiziun dla pröma cristianité gnô l'apostul Matî araté l'autur de chësc vangele. Al é gnü scrit danter i agn 80 y 90 do Crist.

Chësc vangele, che ê pro i pröms cristians le vangele plü conesciü, á dër influnzé la liturgia y stá tl Testamënt Nü al pröm post.

I insegnamënc de chësc vangele é gnüs metüs jö dal autur te pordiches dër spësses.

Les plü conesciüdes é la pordica dla munt y le iudize universal. Les frases "la tre tl edl" o "tüa man dërta ne dess nia savëi ci che la ciampa fej" o "la ciasa fata sön saurun" é cinamai diventades proverbialas.

Al vangelist ti stäl dër a cör la iustizia y la pesc y al ne sparagna nia cun i castighi. Insciö vëgn l'evangelist Matî nominé le maester danter i vangelisé.

Gejú vëgn presenté sciöche le Messia incundé dai profec. Ince sce chësc vangele é gnü scrit dantadöt por i cristians iudaics tla Siria ê süa intenziun chëra da lié adöm düc i cristians.

Le sëgn dl vangelist Matî é n agno.

### *Döt le bun a chi che complësc i agn de dezëmber*

**a San Martin** Giovanni Frenner nen complësc 83 ai 5  
Maria Sorà Clara nen complësc 82 ai 8  
Emma Sorà Schuen nen complësc 81 ai 19



**a Lungiarü** Pius Clara dl Maier nen complësc 81 ai 7  
Augusta Clara Deiaco nen complësc 82 ai 7  
Angela Sorá Daporta nen complësc 88 ai 27